

Broj: 01-01.3-2926-14/18 NH  
Datum: 11.09.2018. godine

Na osnovu člana 70. Zakona o javnim nabavkama ("Službeni glasnik BiH" broj 39/14) te člana 15. Pravilnika o javnim nabavkama JP Autoceste FBiH d.o.o. Mostar i preporuke Komisije za javne nabavke konstatirane u Zapisniku o pregledu i ocjeni ponuda broj: 01-01.3-2926-13/18 NH od 23.08.2018. godine, direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

**ODLUKU**  
**o izboru najpovoljnijeg ponuđača**  
**u konkurentskom zahtjevu**

I

Ugovor za nabavku: „Usluge kopiranja i plotanja“ u vrijednosti od **36.621,00 KM** sa uračunatim PDV-om dodjeljuje se ponuđaču: „KOPIKOMERC vl. Čedo Miović sp. Istočno Sarajevo, sa registriranim sjedištem u ulici Vuka Karadžića 30, 71123 Istočno Sarajevo, 4501490640006, koji je u konkurentskom zahtjevu dostavio prihvatljivu ponudu sa najnižom cijenom.

II

Ponude ponuđača „Vegos“ d.o.o. Sarajevo, „Geowild“ d.o.o. Sarajevo, „11“ d.o.o. Istočno Sarajevo odbacuju se kao neprihvatljive u skladu sa članom 68. stav (4) tačka i) Zakona.

III

Ponuda ponuđača „Edukacioni centar Barbados“ d.o.o. Sarajevo se odbacuje kao neprihvatljiva u skladu sa članom 68. stav (4) tačka g) Zakona.

IV

U skladu sa članom 70. stav (6) Zakona o javnim nabavkama (u daljem tekstu: Zakon), JP „Autoceste FBiH“ d.o.o. Mostar će ovu Odluku objaviti na svojoj internet stranici: [www.jpautoceste.ba](http://www.jpautoceste.ba) i to istovremeno s upućivanjem Odluke ponuđačima koji su učestvovali u postupku nabavke.

V

Ova Odluka stupa na snagu danom donošenja.



AD

## Obrazloženje

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa članom 88. Zakona o javnim nabavkama, pokrenulo konkurentski zahtjev broj: 01-01.3-2926-1/18 NH za nabavku: „Usluge kopiranja i plotanja“. Na Portalu javnih nabavki objavljeno je Obavještenje o nabavci broj 266-7-2-261-3-122/18 dana 25.07.2018. godine.

Kriterij za dodjelu ugovora je „najniža cijena“.

Na osnovu Obavještenja o nabavci i konkurentskog zahtjeva izvršeno je javno otvaranje ponuda dana 08.08.2017. godine u 10:30 sati u prostorijama Javnog preduzeća „Autoceste Federacije Bosne i Hercegovine“ d.o.o. Mostar, Hamdije Kreševljakovića 19 što je konstatirano u zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da su svoje ponude predali pet (5) ponuđača.

Komisija je prema članu 65. ZJN pristupila pregledu i ocjeni ponuda, što je evidentirano u Zapisniku o pregledu i ocjeni ponuda, koji je sastavni dio ove Odluke.

Odluka o izboru najpovoljnijeg ponuđača kojom se ugovor za javnu nabavku: „Usluge kopiranja i plotanja“ dodjeljuje ponuđaču „KOPIKOMERC“ vl. Čedo Miovčić sp. Istočno Sarajevo, u vrijednosti od 36.621,00 KM sa uračunatim PDV-om, koji je jedini dostavio prihvatljivu ponudu.

Ponude ponuđača „Vegos“ d.o.o. Sarajevo, „Geowild“ d.o.o. Sarajevo, „11“ d.o.o. Istočno Sarajevo odbacuju se kao neprihvatljive u skladu sa članom 68. stav (4) tačka i) Zakona, a ponuda ponuđača „Edukacioni centar Barbados“ d.o.o. Sarajevo se odbacuje kao neprihvatljiva u skladu sa članom 68. stav (4) tačka g) Zakona.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

### Pouka o pravnom lijeku:

Protiv ove Odluke može se uputiti žalba u roku od pet (5) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

direktor:

Adnan Terzić, dipl.ing.

Dostaviti:

- ponuđačima koji su predali ponude
- a/a



ab

Broj: 01-01.3-2926-13/18 NH  
Datum: 23.08.2018. godine

U skladu sa članom 65. Zakona o javnim nabavkama („Službeni glasnik BiH“, broj 39/14), članom 8. Pravilnika o uspostavljanju i radu komisije Zakona o javnim nabavkama („Službeni glasnik BiH“ 103/14) članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 14. Pravilnika o javnim nabavkama JP „Autoceste FBiH“ d.o.o. Mostar, broj: NO 1.01-724-11/15 od 24.02.2015. godine, Komisija za nabavke imenovana rješenjem, broj: 01-01.3-2926-2/18 NH od 01.08.2018. godine, sačinjava:

### ZAPISNIK O PREGLEDU I OCJENI PONUDA u postupku konkurentskog zahtjeva za dostavu ponuda

- Naziv i sjedište ugovornog organa:** JP „Autoceste FBiH“ d.o.o. Mostar;
- Predmet nabavke:** „Usluge kopiranja i plotanja“;
- Evidencijski broj nabavke:** 01-01.3-2926/18 NH;
- Vrsta postupka javne nabavke:** Konkurentski zahtjev;
- Procijenjena vrijednost nabavke:** 31.480,00 KM bez PDV-a za tri godine;
- Broj obavještenja o nabavci sa Portala javnih nabavki:** Obavještenje o nabavci, broj: 266-7-2-261-3-122/18 objavljeno dana 25.07.2018. godine;
- Datum početka pregleda i ocjene ponuda:** Komisija je počela da pregleda ponude 08.08.2018. godine;
- Naziv i sjedište svih ponuđača, prema redosljedu zaprimanja ponuda:**
  - „KOPIKOMERC“ vl. Čedo Miović sp Istočno Sarajevo, 06.08.2018. godine u 11:40 sati;
  - „Vegos“ d.o.o. Sarajevo, 06.08.2018. godine u 14:02 sati;
  - „Geowild“ d.o.o. Sarajevo, 06.08.2018. godine u 14:18 sati;
  - „Edukacioni centar Barbados“ d.o.o. Sarajevo, 06.08.2018. godine u 14:36 sati;
  - „11“ d.o.o. Istočno Sarajevo, 08.08.2018. godine u 09:54 sati.
- Podaci o pojašnjenju dokumenata u skladu sa članom 68. stav (3) Zakona, ako ih je bilo:**  
Nije traženo pojašnjenje dokumenata;
- Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:**  
Nisu uočene ispravke koje su urađene na način da su potvrđene potpisom ponuđača i sa datumom izvršene ispravke;



23

**11. Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:**

R. B.	ANALIZA, PREGLED I OCJENA PONUDA	NAZIV PONUĐAČA (1)	NAZIV PONUĐAČA (2)	NAZIV PONUĐAČA (3)	NAZIV PONUĐAČA (4)	NAZIV PONUĐAČA (5)
	„Usluge kopiranja i plotanja“	„KOPIKOMERC“ vl. Čedo Miović sp. Istočno Sarajevo	„Vegos“ d.o.o. Sarajevo	„Geowild“ d.o.o. Sarajavo	„Edukacioni centar Barbados“ d.o.o. Sarajevo	„11“ d.o.o. Istočna Ilidža
a.	<b>Kvalifikacioni uslovi:</b>					
1.	<p><b>Lična sposobnost - kvalifikacija prema članu 45. ZJN:</b></p> <p><b>USLOV:</b></p> <p>U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrđivanju stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.</p> <p><b>DOKAZ:</b></p> <p>U svrhu ispunjavanja uslova iz prethodne tačke ponuđači trebaju uz ponudu dostaviti Izjavu ovjerenu kod nadležnog organa (opštinski organ ili notar) da se na njih ne odnose slučajevi definisani tačkom 2.1.1 od a) do d) ove tenderske dokumentacije. Izjava se dostavlja u formi utvrđenoj Aneksom 6 ove tenderske dokumentacije.</p>	+	+	+	+	+



Identifikacijski broj: 4227691540005 PDV broj: 227691540005

Glavni račun: Union banka Sarajevo 1020010000014039

Transakcijski račun: Raiffeisen bank dd Sarajevo, glavna filijala Mostar 1610200062470038

Federalna taksa za korištenje autoceste: 1610200062470232 i 3386902296565422

Naknada za korištenje cestovnog zemljišta: 1610200062470135 i 3386902296564549

AD

2.	<p><b>Sposobnost obavljanja profesionalne djelatnosti:</b></p> <p><b>USLOV:</b> U pogledu sposobnosti obavljanja profesionalne djelatnosti, ponuđači moraju biti registrovani za obavljanje djelatnosti koja je predmet nabavke.</p> <p><b>DOKAZ:</b> U svrhu dokazivanja prava na obavljanje profesionalne djelatnosti, u skladu sa članom 46. Zakona, ponuđač mora dostaviti dokaz o registraciji u odgovarajućem profesionalnom ili drugom registru u zemlji u kojoj je registrovan ili da obezbjedi posebnu izjavu ili potvrdu nadležnog organa kojom se dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originalni ili ovjerene kopije.</p>	+	+	+	+	+
3.	Izjava o ispunjavanju uslova iz člana 52. Zakona data u Aneksu 7 ili 7.1 tenderske dokumentacije	+	+	+	+	+
<b>b.</b>	<b>Ispunjenost uslova u pogledu dostavljanja svih potrebnih dokumenata prema sadržaju ponude:</b>					
1.	Popunjen Obrazac za ponudu koji je dat u Aneksu 2 tenderske dokumentacije	+	-	+	+	+
2.	Popunjen Obrazac za cijenu ponude koji je dat u Aneksu 3 tenderske dokumentacije	+	+	+	+	+
3.	Popunjen obrazac povjerljivih informacija koji je dat u Aneksu 4 tenderske dokumentacije (ponuđači su dužni dostaviti ispunjen ovaj obrazac ukoliko imaju povjerljivih informacija)	+	+	+	+	+
4.	Izjava o ispunjenosti uslova iz člana 45. stav (1) tačka od a) do d) Zakona o javnim nabavkama („Službeni glasnik BiH“, broj: 39/14) data u u Aneksu 6 tenderske dokumentacije	+	+	+	+	+
5.	Potpisan Nacrt Okvirnog sporazuma i Nacrt Prvog pojedinačnog ugovora koji je dat u Aneksu 5 i 5.1 tenderske dokumentacije	+ +	+ +	+ +	+ +	+ +
6.	Izjava o namjeri podugovaranja (ukoliko ponuđač ima namjeru podgovoriti dio ugovora) data u okviru Aneksa 2 tenderske dokumentacije	Nema namjeru podugovaranja	Nema namjeru podugovaranja	Nema namjeru podugovaranja	Nema namjeru podugovaranja	Nema namjeru podugovaranja



Handwritten initials or mark.

						varanja
7.	Dokumenti kojima se dokazuje ispunjavanje uslova za primjenu preferencijalnog tretmana domaćeg odnosno Izjava data u okviru Aneksa 2 tenderske dokumentacije	+	+	+	+	+
8.	Parafirana tehnička specifikacija koja je data u Aneksu 8	+	+	+	+	+
9.	Popis dokumentacije koja je priložena uz ponudu	+	+	+	+	+
<b>Prikaz prihvatljivosti ponuda prema obliku sadržaju i potpunosti</b>						
1.	Cjelovitost ponude	+	+	+	+	+
2.	Uvezana u cjelinu / knjiga, obezbjeđena jamstvenikom /	+	+	+	+	+
3.	Sadržaj ponude	+	+	+	+	+
4.	Ponuda napisana neizbrisivom tintom	+	+	+	+	+
5.	Pravilno numerisana ponuda	+	+	+	+	+
6.	Ponuda potpisana od strane ovlaštene osobe	+	+	+	+	+
7.	Ponuda napisana na jednom od službenih jezika u BiH	+	+	+	+	+
8.	Ispravke u ponudi	+	+	+	+	-
9.	Računske greške	+	+	+	-	+
10.	Izmjene/dopune ponude i odustajanje od ponude	N.P.	N.P.	N.P.	N.P.	N.P.
11.	Kopija ponude	+	-	-	+	+
<b>PRIHVATLJIVOST PONUDE</b>		<b>DA</b>	<b>NE</b>	<b>NE</b>	<b>NE</b>	<b>NE</b>

**Napomena:** (+) u skladu sa tenderskom dokumentacijom **zadovoljava**; (-) u skladu sa tenderskom dokumentacijom **ne zadovoljava**;

N.P. – nije primjenljivo

## 12. Naziv i sjedište ponuđača čije ponude se odbijaju na osnovu rezultata pregleda i ocjene ponuda, te obrazloženje razloga za njihovo odbijanje:

1. Ponuda ponuđača „Vegos“ d.o.o. Sarajevo ispunjava sve uslove propisane čl. 45. i 46. Zakona koji se odnose na kvalifikaciju ponuđača, ali ne ispunjava sve zahtjeve tenderske dokumentacije iz sljedećeg razloga:



43

- Ponuđač nije dostavio kopiju ponude što je u suprotnosti sa Tačkom 8.1. tenderske dokumentacije kojom je propisano „*Ponuda se dostavlja u originalu i jednoj kopiji, na kojima će čitko pisati „ORIGINAL PONUDE“ i „KOPIJA PONUDE“. Kopija ponude sadrži sva dokumenta koja sadrži i original. U slučaju razlike između originala i kopije ponude, vjerodostojan je original ponude. Kopija ponude se može dostaviti i na mediju za pohranjivanje podataka (CD, USB i sl.). Kopija ponude se dostavlja zajedno sa originalom u jednoj koverti ili u dvije odvojene koverta koje su opet upakovane u jednu zajedničku kovertu ili paket.*“
- Nadalje ponuđač je dostavio Obrazac za ponudu, Aneks 2, koji nije opečaćen niti je potpisan od strane ovlaštene osobe, što je u suprotnosti sa Tačkom 7.1 tenderske dokumentacije koja glasi „*Obrasci koji su sastavni dio ovog Konkurentskog zahtjeva moraju biti popunjeni u cijelosti, potpisani i ovjereni pečatom ponuđača. Ponuđačima je zabranjeno križati, brisati ili ispravljati dostavljene obrasce i tehničku specifikaciju. Ponuda mora biti potpisana od strane odgovorne osobe za predstavljanje ponuđača (navedenom u Izvodu iz sudskog registra, rješenju o registraciji) ili osobe ovlaštene od strane odgovorne osobe ponuđača pisanom punomoći za potpisivanje ponude (u kojem slučaju se uz ponudu prilaže punomoć). Punomoć, u slučaju grupe ponuđača mora biti dana od svih ovlaštenih osoba za zastupanje članova grupe ponuđača.*“

Shodno naprijed navedenom komisija će dati preporuku Ugovornom organu da ponudu odbije kao neprihvatljivu u skladu sa članom 68. stav (4) tačka (i) Zakona.

2. Ponuda ponuđača „Geowild“ d.o.o. Sarajevo ispunjava sve uslove propisane čl. 45. i 46. Zakona koji se odnose na kvalifikaciju ponuđača, ali ne ispunjava sve zahtjeve tenderske dokumentacije iz sljedećeg razloga:

- Ponuđač nije dostavio kopiju ponude što je u suprotnosti sa Tačkom 8.1. tenderske dokumentacije kojom je propisano „*Ponuda se dostavlja u originalu i jednoj kopiji, na kojima će čitko pisati „ORIGINAL PONUDE“ i „KOPIJA PONUDE“. Kopija ponude sadrži sva dokumenta koja sadrži i original. U slučaju razlike između originala i kopije ponude, vjerodostojan je original ponude. Kopija ponude se može dostaviti i na mediju za pohranjivanje podataka (CD, USB i sl.). Kopija ponude se dostavlja zajedno sa originalom u jednoj koverti ili u dvije odvojene koverta koje su opet upakovane u jednu zajedničku kovertu ili paket.*“

Shodno naprijed navedenom komisija će dati preporuku Ugovornom organu da ponudu odbije kao neprihvatljivu u skladu sa članom 68. stav (4) tačka (i) Zakona.

3. Ponuda ponuđača „11“ d.o.o. Istočno Sarajevo ispunjava sve uslove propisane čl. 45. i 46. Zakona koji se odnose na kvalifikaciju ponuđača, ali ne ispunjava sve zahtjeve tenderske dokumentacije iz sljedećeg razloga:



- Ponuđač je u Obrascu za cijenu ponude za okvirni sporazum - Aneks 3, vršio ispravke jedinične cijene (str. 5) ponude, a da iste nisu potvrđene potpisom ponuđača uz navođenje datuma ispravke, što je u suprotnosti sa Tačkom 6.2 tenderske dokumentacije kojom je propisano „Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke.“

Shodno naprijed navedenom komisija će dati preporuku Ugovornom organu da ponudu odbije kao neprihvatljivu u skladu sa članom 68. stav (4) tačka (i) Zakona.

4. Ponuda ponuđača „Edukacioni centar Barbados“ d.o.o. Vogošća ispunjava sve uslove propisane čl. 45. i 46. Zakona koje se odnose na kvalifikaciju ponuđača, ali ne ispunjava sve zahtjeve tenderske dokumentacije iz sljedećeg razloga:

- Prilikom računске kontrole u ponudi naprijed pomenutog ponuđača uočen je niz računskih grešaka u Obrascu za cijenu ponude za okvirni sporazum – Aneks 3, analogno tome i u Obrascu za ponudu – Aneks 2. Ugovorni organ je u skladu sa članom 17. Uputstva za pripremu modela standardne tenderske dokumentacije i ponuda (Službeni glasnik BiH br.: 90/14 i 20/15 izvršio ispravku računске greške, te poslao ponuđaču na saglasnost. Ponuđač u ostavljenom roku nije niti potvrdio niti odbio dati saglasnost na ispravku računске greške u ponudi, već je dostavio novi Obrazac za cijenu ponude za okvirni sporazum sa potpuno novim jediničnim cijenama za sve stavke u obrascu, što je u suprotnosti sa tačkom 8.2. tenderske dokumentacije kojom je propisano: „Ponuđači mogu izmijeniti ili dopuniti svoje ponude samo prije isteka roka za dostavljanje ponuda. Izmjena i dopuna ponude se dostavlja na isti način kao i osnovna ponuda, sa obaveznom naznakom da se radi o izmjeni ili dopuni ponude.“ i sa tačkom 12.5. tenderske dokumentacije kojom je propisano: „Ugovorni organ će ispraviti bilo koju grešku u ponudi koja je čisto aritmetičke prirode, ukoliko se ista otkrije u toku ocjene ponuda. Ugovorni organ će neodložno ponuđaču uputiti obavještenje o svakoj ispravci i može nastaviti sa postupkom, sa ispravljenom greškom, pod uslovom da je ponuđač pisanim putem prihvatio ispravku u roku koji je odredio Ugovorni organ. Ako ponuđač ne prihvati predloženu ispravku, njegova ponuda se odbacuje i garancija za ponudu, ukoliko postoji, se vraća ponuđaču“.

Shodno naprijed navedenom komisija će dati preporuku da ponudu odbije kao neprihvatljivu u skladu sa članom 68. stav (4) tačka (g) Zakona.

13. **Prikaz traženih i dostavljenih garancija za ozbiljnost ponude:** Ugovorni organ nije zahtijevao bankarsku garanciju za ozbiljnost ponude;
14. **Podaci o pojašnjenju ponuda:** Nije traženo pojašnjenje ponuda;
15. **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimitljene ponude uredno zapakovane;





16. **Analitički prikaz traženih i dostavljenih dokaza profesionalne i tehničke sposobnosti ponuđača:** Pogledati stavku 11. ovog Zapisnika;
17. **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Ponude ispunjavaju sve zahtjeve u pogledu opisa predmeta nabavke i tehničke specifikacije;
18. **Podaci o ispravkama računskih grešaka u ponudama ako ih je bilo:**  
U ponudi ponuđača „Barbados“ d.o.o. Vogošća uočeno je niz računskih grešaka u Obrascu za cijenu ponude za okvirni sporazum. Ugovorni organ aktom 01-01.3-2926-11/18 NH od dana 28.08.2018. godine je zatražio Saglasnost za prihvatanje ispravke računске greške u ponudi. Ponuđač je na osnovu zahtjeva dostavio novi obrazac sa potpuno drugačijim jediničnim cijenama. Komisija smatra da dostavljenim novim obrascem ponuđač nije prihvatio ispravku računске greške.
19. **Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Pogledati tačku 12. ovog zapisnika;
20. **Razlozi za odbijanje ponude zbog neprirodno niske cijene:** Nije primjenjivo;
21. **Analiza prihvatljivih ponuda prema kriteriju za izbor ponude:**  
Kriterij za izbor je „najniža cijena“.  
➤ Ponuda ponuđača KOPIKOMERC vl. Čedo Miović sp. Istočno Sarajevo sa ukupnom cijenom ponude u iznosu od 36.621,00 sa uračunatim PDV-om koja jedina ispunjava sve uvjete iz tenderske dokumentacije;
22. **Rangiranje prihvatljivih ponuda prema kriteriju za izbor ponude:** Kriterij za dodjelu ugovora je „najniža cijena“;

Naziv ponuđača	Cijena bez PDV-a (KM)	Popust	PDV (17%)	Ukupna cijena sa PDV-om (KM)
<b>1.KOPIKOMERC vl. Čedo Miović sp. Istočno Sarajevo</b>	<b>31.300,00</b>	<b>/</b>	<b>5.321,00</b>	<b>36.621,00</b>

23. **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Ugovorni organ namjerava zaključiti Okvirni sporazum sa ponuđačem „KOPIKOMERC“ vl. Čedo Miović sp. Istočno Sarajevo. Iz razloga što je jedini dostavio prihvatljivu ponudu.



40

24. **Podaci o dijelu ugovora koji se daje u podugovor i podatke o podizvođaču:** Ponuđač nije izrazio namjeru podugovaranja.

25. **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Tražene dokaze za kvalifikaciju ponuđača u pogledu lične sposobnosti – član 45. Zakona, izabrani ponuđač je dužan dostaviti u roku od **3 dana od dana prijema Odluke o izboru najpovoljnijeg ponuđača**, a za koje je dao izjavu u skladu sa Aneksom 5 tenderske dokumentacije. Dokazi koji se zahtjevaju moraju biti originali ili ovjerene kopije. Ako izabrani ponuđač u navedenom roku ne dostavi sve tražene orginale ili ovjerene kopije dokumenata i/ili ne dokaže da ispunjava uvjete koje je odredio Ugovorni organ, sa navedenim ponuđačem se neće zaključiti ugovor. U slučaju da su dokumenti izdati nakon datuma predaje ponude, u njima mora biti jasno navedeno da je ponuđač traženi uslov ispunjavao **na dan predaje ponude**.

26. **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:**

Shodno gore navedenom predlaže se direktoru JP "Autoceste FBiH" d.o.o. Mostar da za javnu nabavku: „Usluge kopiranja i plotanja“ donese Odluku o izboru najpovoljnijeg ponuđača kojom se:

- Ugovor za javnu nabavku: „Usluge kopiranja i plotanja“ dodjeljuje ponuđaču „KOPIKOMERC“ vl. Čedo Miović sp. Istočno Sarajevo, u vrijednosti od 36.621,00 KM sa uračunatim PDV-om, koji je jedini dostavio prihvatljivu ponudu.
- Ponude ponuđača „Vegos“ d.o.o. Sarajevo, „Geowild“ d.o.o. Sarajevo, „11“ d.o.o. Istočno Sarajevo odbacuju se kao neprihvatljive u skladu sa članom 68. stav (4) tačka i) Zakona, a ponuda ponuđača „Edukacioni centar Barbados“ d.o.o. Sarajevo se odbacuje kao neprihvatljiva u skladu sa članom 68. stav (4) tačka g) Zakona.

27. **Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):**

- Zahtjev za prihvatanje ispravke računске greške „Edukacioni centar Barbados“ d.o.o. Vogošća, akt broj 01-01.3-2926-11/18;
- Odgovor na Zahtjev „Barbados“ d.o.o. Vogošća, akt broj 01-01.3-2926-12/18.
- **Datum završetka postupka pregleda i ocjene ponuda:** Komisija je završila pregled i ocjenu ponuda dana 22.08.2018. godine;



AD

